

22.10.2020

UKA2020/42

Nunatsinni tarnimikkut napparsimasut atugaat pillugit iliuusissat pitsanngorsarneqarnissaat siunertaralugu nuna tamakkerlugu iliuusissamik pilersaarummik Naalackersuisut UKA2021-mi saqqummiusseqqullugit Inatsisartut aalajangiiffigisassaatur siunnersuut.

(Inatsisartunut ilaasortaq, Mikivsuk Thomassen, Inuit Ataqatigiit)

Inatsisartunut ilaasortap Mikivsuk Thomassenip tarnikkut napparsimasut atugaat pillugit iliuusissamik pilersaarusiortoqarnissaanik siunnersuutaanut Siumumiit imaattumik oqaaseqassaagut.

Siumiit isumaqarpugut inunnik sullissinermi sulisorisat tamarmik ataavartumik pikkorissartinneqartarnissaat periarfissaajuartariaqartoq. Taamatuttaaq Siumiit siunertaarput sullissinermi ilisimasanik katersuiffik kommunini sullissiniarnermi iluaqutaasusaaq pilersinneqartariaqartoq.

Isumagineqarnissamik pisariaqartitsisut imminut ikiorsinnaanngorlugit ikiorserneqartarnissaat Siumumi politikkerisarput aamma kommunerujussuit siunnerfigisariaqarpaat.

Maannakkut ajornartorsiutaavoq isumaginninnerup iluani ilinniarsimasut illoqarfinni anginerniikkumanerunerat. Taanna atorfinitsitsinermi isumaqatigiissutitigut eqaannerusumik aaqqiiffigisariaqarpoq.

Timikkut tarnikkullu innarluutillit inissaqarnertigut, atuarfeqarnertigut, sulisoqarnertigullu piorsaaffigineqassapput, pisariaqartitaallu naapertuuttumik Namminersorlutik Oqartussanit Kommunerujussuarnillu aningaasalersorneqarlutik ingerlanissaat Siumumiit politikkeraarput.

Nunatsinni tarnikkut nappaatillit isumagineqarnerat pitsanngorsarneqartuassaaq atonerluisunullu katsorsaasarneq piorsarneqartuassalluni.

Timikkut tarnikkullu innarluutilinnik sullissisut ataavartumik pikkorissartinneqartarnissaat pisariaqartoq Siumi isumaqarpugut.

Ersinngitsumik innarluutillit paasineqajaarnerusalernissaannut iliuusissat pilersinneqarnissaattaq Siumumiit pingaartipparput, sullinneqartarnerisalu pitsanngorsarnissaat Siumi anguniangaraarput.

Angajoqqaat ersinngitsumik innarluutilinnik meerallit ulluinnarni oqilisaaffigineqartarnissaasa aqutissiuunneqarnissaat nalilersorneqassooq.

Taamatut naatsumik oqaaseqarluta Siumumiit Siunnersuuteqartoq siunnersuuteqarneranik qutsavigaarput, taamatullu naalackersuisut allannguutissamik siunnersuutaat akuersaaratsigu Siumumiik oqaatigissavarput. Siunnersuut aappassaaneerneqartinnani ataatsimiitsitalimut ingerlateqqinngikkaluarlugu naalackersuisut naaperiutaat Siumumiit akuersaaratsigu naggataatigut oqaatigissavarput.

Nikkulaat Jeremiassen

Siumut